



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

§. 6. Admiranda Siciliæ Nouæ.

urn:nbn:de:hbz:466:1-13120

ruginis apparent. Earum adeps plurimum valet contra morbos ex frigore contractos. *Scipio Mazella de Regno Neapolitano.*

In Insulâ *Iscia*, quæ terræ motibus & igneis eructationibus valde obnoxia est, tempore Caroli II. Neapol. Regis incendium excitatum est, duosque menses tenuit, indigenas omnes expulit, locus eius adhuc ostenditur in loco *Cremata*. *Porcarius*, *Scipio Mazella*, &c.

§. 6. Admiranda Siciliae Nouæ.

GIGANTVM corpora plurima effossa fuisse hic certum est, celeberrima effossio contigit anno 1342. ad Erycem montem, quando repertum à pastoribus casam extruentibus cadaver Gigantis, cuius crani pars anterior aliquot Siculorum doliorum capax erat, cuius & meminit *Ioannes Boccatus lib. 4. cap. 68. de Genealogia Deorum*, quod & *Senatores Erycini* confirmarunt auctori *Fazello*.

Altera effossio accidit anno 1516. in agro Mazarino, in loco *Gebilo*, vbi inuentum corpus cuius molares dentes vnicarum erant quinque.

Anno Christi 1547. repertum cadaver in agro Panormitano cubitorum ferè 18. dentes vnicarum quatuor.

Anno 1548. in agro Syracusano effossum cadaver cubitorum xx.

Anno 1550. Calatrasi aliud repertum circiter cubitorum xii.

Denique anno 1552. inuenta pleraque sepulchra, in quibus cadavera infossa erant, octo cubitos superantia. *Thomas Fazellus De cadas 1. de rebus Siculis lib. 1. cap. 6.*

In Siciliâ fons, ad quem si quis accesserit rubro indutus vestimento, statim ad eiusdem staturæ modum in altum profiliens fontis ebullitaqua, ad alios prorsus immutata colores. Sed ad illius hominis purpurati abscessum ad solitam mensuram rediens, pristinos in canales sereformat. *Eusebius Nierembergus.*

In quibusdam Siciliæ locis frumentum ita multiplicat, ut unum granum terræ commissum centum reddat. *Porcarius de Insulis.*

In eâdem Insulâ lapides nascuntur variis notati animantium figuris: hi multum valent contra scorpionum morsus, & aliorum venenatorum. *Idem Porcarius.*

Oues quæ in Nebrode monte, vel Mandonia pascuntur, & dum

viuunt, & post mortem dentes habent inauratos. *Fazellus lib. 1.
prioris Décadis.*

Incendium Æthneum perniciem Catanæ minitans igneo flu-
mine, compescitur oblato ei S. Agathæ velo, quod in hac ciuitate
magnâ religione afferuatur, idque sæpius contigit. *Aëla Ecclesia
Catanensis.*

Mons Æthna sic eruat flammarum globos, vt continuos non
euomat, sed instar animalis respirare videatur. *Petrus Bembus in
Dialogo de hoc monte, ipse testis avtobrav.*

Riuus ille igneus quem effundit Æthna pigro fluxu defluit,
ignitum quidem corpus, verùm recedente calore materia hæc du-
rscit in lapidem fragilem, & si contreftas putrem, atque friabi-
lem. Illa ergo mollities superuenientibus nouis igneis riuis dat
locum: & hi lapides quò recentiores sunt, cò nigriores & solidio-
res, tempore dealbescunt, atque dissoluuntur. *Idem Petrus Bembus
loco citato.*

Pars Æthnæ montis perpetuis niuibus obtegitur, & frigore ri-
get. *Fazellus prima Decadis lib. 2. cap. 4. & Petrus Bembus.*

Ad montem Æthnam fons aquæ frigidæ, & acidæ aliquando
ebulliens: in eum si infecti gallâ panni immittantur, subito ni-
gescunt. *Fazellus, Porciacius, & alij rerum Sicularum scriptores.*

Circa Catanam pascua adeò lœta, vt pecudes, & armenta suffo-
centur, nisi circa aures eis emittatur sanguis. *Fazellus Decadis 1.
lib. 2. cap. 4.*

Luxta lacum quem Pantanum appellant à Mylis passuum duo-
bus millibus Messanam versus puteus est ædi D. Mariæ à Planè, &
Boschetto, appellatæ propinquus, qui per hyemem omnino exsic-
catur, per æstatem verò aquis abundat. *Fazellus Decadis 1. lib. 9.
cap. 8.*

Circa Drepanum ex terrâ vrbi adiacente vitrum conficitur. *Bot-
terus.*

Ager abestab Agrigento ad Aquilonem quatuor millibus pa-
ssuum, hodie *Mayharica*, Saraceno idiomate, qui ex pluribus fau-
cibus perpetuâ eiectione limosas scaturigines euomit solo num-
quam deficiente. Ager est culturæ expers 10 passuum ambitu, to-
tus cineritij coloris. Furit maximè singulis lustris, & cæli tem-
pstate subortâ, præmissoque fragore maximo, ac denso nimbo
tanta luti, ac cinerum copia egeritur, vt telluris solum ad sex ferè
cubi-

cubitorum altitudinem excrescat. Orificio autem si linēam, seu perticam magni ponderis infigas, quæ non nisi magnâ vi adigi potest, à vento subterraneo excussa statim proflit. *Fazellus Decadis 1. lib. 1. cap. 5.* & *Porcarius de Insulis.*

In Agro Aborangio 8. millibus passuum ab Agrigento versus Boream secturæ visuntur salis, qui in igne non crepitat, sed dissoluitur; in aqua crepitat, & induratur. *Fazellus Decade 1. lib. 6. cap. 1.* & *Philippus Cluverius Antiquæ Sicilie lib. 2. cap. II.*

Inter Agrigentum, & Biuonam lacus est sulphureus Bissana vulgò dictus, centum ferè passum ambitus, in quo crateres duo vicissim ad trium cubitorum altitudinem aquas emittunt. *Fazellus Decadis 1. lib. 1.*

Ad Biuonam fons oleo scatet. *Idem, ibidem*

Prope Passarum Promontorium ex pluuiis, & aquis fontanis aquæ confluentes in lacum congelantur in salem optimum. *Porcarius.*

Ex Taui fonte non procul ab Assoro, Sarratenis in Siciliâ rerum potentibus sanguis iugiter manauit. *Fazellus Prioris Decadis lib. 10.*

In Agro Clusitano in locis quibus nomen est *Iardinello*, & *Cianotto*, aqua lapidescit. *Fazellus eiusdem Decadis lib. 10.*

Lacus *Naphthia* dictus paulò infra Simæthi fluuij capita (olim *Pallorum*) assiduam scaturiginem turbulentarū aquarum egerit tribus in medio crateribus ad tres circiter cubitos in altum eiectans, non aliter quam subiectis ignibus feruens olla ebullit, & illæ aquæ cadentes ad perpendicularum numquam effluunt, sed rursum in eundem sinum (qui è tamen non sit amplior) recipiuntur, atque residunt: comitatur autem æstum, perpetuum murmur. Si autem aquas eius stagni manè ante Solis ortum brutæ animantes potauerint, repentina propè interitu occidunt; licet frigidæ sint, turbidæ tamen sunt, & tetur exhalant odorem. Superuolantes etiam volucres in periculum agunt, quia iis aquis aër impurus redditur, eoque sit concretior, quod est deterior materia. Ætate auctoris cùm aliquando Sicilia siccitate laboraret, stagnum hoc prorsus exaruit; è cuius tum crateribus, ventis furentibus, puluis tantum efflabatur. *Fazellus Decadis 1. lib. 3. cap. 2.*

Parall. Geogr. Tom. II.

R R Rrrr